

西豐縣志

第五冊

地410.115
42
:5



五編物產卷二十三

土質有肥磽之異氣候有寒暖之差東西朔南北向不同所產之物亦不能一致考貨殖列傳可以知其大概矣至於水產魚蝦山生材木金銀銅鐵各鑛星羅棋布到處皆然所謂利民用厚民生者蓋皆具豐亨之景象焉孟子曰養生喪死無憾王道之始也此其意哉豐邑山水四面廻環各種物產生於其間足以養育人民者皆充實而各足其用然則此地之物產足以活此地之人民此地之人民無不資此地之物產是物產與人民有互相關係而不可分離之勢焉於是將動植礦各產業爲一編列成一卷以供博物家之參考



西豐縣志

卷二十三

物產

一

西豐國興印刷局校印

植物穀類

蜀 黍 禾本科一年生草本栽培於陸田中葉似蘆種子可供食用春去殼爲米俗呼曰秠米

張華博物志云北地通呼曰高粱

黏蜀黍 有黃黑二種與蜀黍同一形狀但性黏耳

玉蜀黍 禾本科一年生草本有黃白紅三種粒有精光故名曰玉米花單性雄花生於莖頂雌花生於葉腋其實以巨苞裹之俗名曰包米晚收不畏霜雹邊地種之猶宜

粟 禾本科俗呼穀子米曰小米按古以粟爲黍稷梁之總稱後此以穗小毛短粒細者爲粟今從之

大豆 豆科古謂之菽今謂之豆分黑白黃褐青斑諸色爲縣境農產之大宗

小豆 豆科有蠶白赤黃黑數種赤者入藥

綠豆 豆科一年生陸田之耕作物種子綠色故名綠豆其用甚廣可製粉蒸糕煮湯飲之能

消暑解毒

豌豆 豆科即胡豆也種出胡戎故名爲百穀中之先登者爾雅謂之戎菽遼志謂之回鶻豆今種之者分大小二種味頗甘美

豇豆 豆科園中物也蔓生花有紅白二色筴必對生兩兩相垂土人呼之曰十八豆

蠶豆 豆科以蠶時成熟故名按豆中惟此無枝蔓故亦呼爲樹豆

雲豆 豆科種來自雲南故名呼爲六月先

扁豆 豆科即藟豆蔓生籬落間夏間結實成筴形扁而潤嫩時可食子有黑白褐等色黑者別稱鵲豆亦可食

稷 禾本科禮謂之明粢說文稷齊也五穀之長蓋五穀皆宜薦神特以稷以主之故謂之長一作稯々糜也楚人謂之稷關中謂之糜禾似黍而米性不黏周官土訓注云幽并地宜麻釋文麻作糜即今呼爲糜子者是晚種早熟邊地猶宜

西豐縣志

卷二十三 植物

二

西豐國興印刷局校印

大麥 禾本科草本詩謂之牟芒長熟較早可爲麩蘖

小麥 禾本科一年生或越年生草本詩謂之來種子可糞爲麵粉以供食用皮曰麩子可飼牲畜藁可製夏帽及玩器

蕎麥 麥 蓼科一作蔞代種秋熟以實磨粉可備食品惟其粉以產於黑龍江者爲最佳

粳 禾本科水種者爲稻旱種者爲粳以粳不如稻產量之宏故境內種粳者惟山農時或有之若澤隰之處近皆種稻矣

稗 禾本科宜於澤隰之地米甘而性滑於食品不甚相宜藁可葺屋亦可作家畜飼料

黍 禾本科與稷同惟性之黏者爲黍俗呼之爲大黃米其粒均齊無大小之差故古人以之定度量

秫 禾本科爾稷類也乃粟或梁之一種秫即梁米粟米之黏者有赤白黃三色一名糯秫一名糯粟皆因時地不同而歧其名也

蘇 唇形科有山蘇水蘇紫蘇白蘇之別其種子皆含油質而紫蘇入藥

脂 麻 唇形科俗呼曰芝蔴實藏甬內榨而食之其味甘以之製油曰香油能調味解毒為食品中最要之物

大 麻 桑科禮謂之苴禹貢謂之臬皆大麻也葉分歧作掌狀背面皆綠實含油質取其子可榨油皮富纖維瀝其桿可取麻以子繩索用途甚廣

榮 麻 錦葵科多生於卑溼處幹高丈餘葉大於桐子熟自裂皮可為麻性耐溼惟其力稍遜於大麻一名白麻又名苘麻

蔬類

菘 十字花科今謂之白菜能四時常有春種者曰春白菜秋種者曰秋白菜又有黃芽白箭桿白以及疙疸白等皆為菘類深秋而漬之缸中曰酸菜酸脆可口考南史周顒傳秋末晚菘可見菘之味美在蔬類中應為佼佼者也

西豐縣志

卷二十三 植物

三

西豐國興印刷局校印

芥 十字花科芥之類甚多楊子方言蔓蕘趙魏之間謂之大芥其小者謂辛芥或謂之香

芥爾雅翼芥似菘而有毛味極辛苦種子研成細末以供食用白芥子入藥

蘿 蔔 十字花科爾雅作突蘆葩郭璞注謂葩宜作菹又云蘿蔔菘芥三者古皆名菘紫花菘者即今之蘿蔔芥菘者即今之芥菜晚菘者即今之白菜菘其總名也

韭 百合科禮名豐本其味早春最美原用以供祀今為常蔬南史周顒傳春初早韭即此葉似薤而肥大高尺許六月出莖開小白花尖瓣六出攢簇成叢結子色黑如葱子

葱 百合科春秋兩季種之秋種者曰白露葱若移栽他處來春再發葉茁壯如羊角故名曰羊角葱蘇頌圖經葱有數種入藥用山葱胡葱食品用凍葱旱葱

蒜 百合科爾雅翼大蒜為菽小蒜為蒜我國種係大蒜也羣芳譜云張騫得西域種歸國後遂傳之始徧爾雅謂山蒜也釋曰暈菜說文暈菜即今大蒜蒿乃今小蒜分紫皮白皮

二種

薤 百合科爾雅謂之薤莖如小蒜所謂薤白者係俗呼爲小根菜

菠薐菜 藜科即菠菜也早春晚秋之時皆有之唐太宗尼波羅國所獻故曰菠菜

胡 荽 繖形科一名芫荽一作葶荽一年生草本俗名香菜相傳張騫自西域得來

芹 菜 繖形科爾雅釋草芹楚葵郭注水中芹菜一作莛說文莛菜類蒿呂氏春秋菜之美者

雲夢之芹高誘注芹生水涯即今之水芹菜也又名野芹考野芹頗多莖葉花子皆與園
芹相似但園芹係單莖半圓野芹則歧莖通體俱圓園芹大如箸莖色青綠野芹莖粗倍
之色有紫者此其不同也

茄 子 茄科一名洛蘇有青白紫各色盛京通志又有海茄旱茄之別今縣境所產者青白色

長形者多紫白而球形者近間有之

秦 椒 茄科結椒長於棗而上銳生青熟紅味極辛土人多食之又一作秦芫結芫向上者爲

天芫狀如柿子者又俗呼爲柿子椒形長如羊角者俗呼爲羊角芫其味之辛猶甚

西豐縣志

卷二十三 植物

四 西豐國興印刷局校印

茴 香 繖形科本草作藿香子葉均可食羣芳譜謂其子可以已肉臭

地 豆 茄科一名馬鈴薯又名陽芋有紅白二種紅者早熟白者味甘今且以之製粉麵粉條

縣境內多種之故產額日廣

壺 蘆 葫蘆科蘇頌云瓠瓜也狀大小長扁圓不同夏末始實秋中方熟霜後方爲器莊子說

剖之以爲瓠即今之壺盧嫩時皆可食詩八月斷壺是也

王 瓜 葫蘆科俗呼爲黃瓜即今孟夏之月王瓜生其種來自西域色綠而形長微有茨蘇頌

圖經胡瓜謂之黃瓜陳藏器云北人爲石勒諱胡改稱黃瓜

窩 瓜 葫蘆科種出自東洋又名高麗瓜形類頗多農家幾以之爲常菜

冬 瓜 葫蘆科本草一名白瓜深州風土記形類枕皮白如粉塗其子亦白色

攪 瓜 葫蘆科似窩瓜而小肉生筋絲醬醃蜜澆皆可食食時以箸攪之其形縷如切者

絲 瓜 葫蘆科初生時墜以石則直老則筋亂如絲

南 瓜 葫蘆科時珍曰種出南番轉入閩浙二月下種四月生苗蔓延可十數丈葉狀如蜀葵而大如荷六七月間黃花結瓜正圓如西瓜皮上有稜如甜瓜一本可結十數顆其色或黃或綠或紅經霜後收置暖處可留至春肉厚色黃同肉煮食猶佳

甜 瓜 葫蘆科禮為天子削瓜詩七月食瓜當即甜瓜也按蘇頌圖經甜瓜有青白黃三種縣境內所產有大青皮羊角蜜脂脆喇嘛黃等類熟時味極美蒂入藥名苦丁香

西 瓜 葫蘆科胡嶠陷虜記嶠征回紇得此種歸名曰西瓜松漠紀聞西瓜如扁蒲而圓色青翠經歲變黃其味類甜瓜味甘脆中有汁尤冷甌有紅黃白之分食之能却暑爽神

蕈 菌 蕈科名類頗多乃溼熱餘氣所生縣境所產有榆黃蕈榛蕈花臉蕈等

地 瓜 旋花科一名甘藷分紅白二種或煮或煨味皆甘美

山 藥 薯蕷科本名薯蕷亦可入藥蘇頌曰秋生實於葉間如鈴韓昌黎送文暢北游詩云山藥煮可掘今按山藥產於懷慶者最佳實生於根圓而長至尺餘形不似鈴薯與蘇說

西豐縣志

卷二十三 植物

五 西豐國興印刷局校印

異韓公所咏當即此

黃花菜 百合科一名金針菜本野生物縣境內無山不有其花葉與萱草無殊

萵 苣 菊科俗名生菜本草附入白苣杜工部有種萵苣詩葉由根生者尖潤由莖生者為心臟形可生食

萵 蒿 時珍曰萵蒿八九月下種冬春採食肥莖花葉微似白蒿其味辛甘四月起莖高至二尺開深黃色花狀如單瓣菊花一花結子近百成球此菜自古有之

蕨 菜 羊齒科毛蕨屬也爾雅郭注初生之葉可食埤雅蕨初生狀如雀足之拳又如人足之蹶故名陸疏云蕨山菜也周秦曰蕨齊魯曰鼈關左人呼曰蕨山中處處有之二三月生莖嫩時無葉採取以灰湯煮去涎滑晒乾作蔬根紫色皮內有白粉搗爛洗澄取之名蕨粉又名為如意菜以其初生葉拳未伸鉤向下時象如意故名

苦 菜 菊科詩邶風誰謂荼苦大雅董荼如飴爾雅荼苦菜也疏葉似苦苣而細斷之有白汁

月令四月苦菜秀即此也花黃似菊初茁根葉皆可茹俗呼苗馬菜一種葉薄邊有細茨開紅花而味苦者俗呼鵝鴨食菜

莧
莧科陸佃埤雅莧之莖葉皆高大而易見故其字從見指事也別錄曰莧實葉如藍十一月菜李當之即莧菜也安景云莧實當是白莧所以云細莧細莧即是糠莧被霜乃熟故云十一月菜又有赤莧不堪食馬莧別一種布地即生實至微細俗呼馬齒莧恐非莧實也

灰藿菜 藜科一名藜藿時珍曰此菜莖上有細灰如沙而枝葉翹趨故名梁簡文帝勸醫文作灰滌菜訛爲灰條菜雷公炮製論謂之金鎖天藏器曰灰藿葉心有白粉似藜但藜心赤莖大可爲杖入藥不如白藿山野皆有之

水芹菜 繖形科呂氏春秋菜之美者雲夢之芹高誘注芹生水涯即今之水芹菜也稚而採之炒食鮮美

西豐縣志

卷二十三 植物

六 西豐國興印刷局校印

蓄蒿菜 柳葉菜科莖似蒿葉如柳水邊窪地多生之爾雅作藜詩于以采藜周南言刈其藜蓄萋同音故又呼之爲萋蒿云

洋 薑 藜科莖葉皆似葵植之於園中隙地根作塊形醃食之脆美

螺絲轉 唇形科一名草石蠶多植宅外隙地及籬落邊秧籐生塊根如指頂大作螺旋形祇可醃食

筆管菜 百合科出土後葉攢簇而尖作筆形故名可熟食根入藥品曰黃精久食能延年益壽

酸漿菜 茄科菜橢圓根紅嫩者酸而可食兒童多採取之北地謂之紅姑娘

蔓 菁 十字花科即蕪菁也形似葑而色青白俗呼玉蓋頭

刺龍牙 木質高者丈餘多茨葉集莖端有似龍牙熟食味美

苦龍牙 毛茛科草本叢生高尺許味微苦若佐小米飯食之則味反甜矣根入藥名升麻

刺拐棒 五加科木質叢生高二三尺有微小刺葉柄作棍形可熟食皮入藥曰五加皮

槍頭菜 菊科草本初生葉合攏作刺刀形故名可熟食根入藥名蒼朮

大耳毛菜 初生莖端一葉傾欹若牛耳然外部多附細毛故名大耳毛可熟食

野鷄膀子 草本出土後形如野鷄膀故名可熟食

鐮尖菜 初出土似大耳毛惟葉端作鐮尖形故名可熟食

杏葉菜 本草釋名薺菴根如沙參葉如杏繞莖互生故名生熟食均宜

明葉菜 似杏葉菜稍大葉之表面明滑故名生熟食均宜

馬籠頭菜 草本初生直立漸生蔓味辣又名辣芫秧採取後乾之冬日食

貓抓菜 草本初生葉拳曲如貓足故名熟食甚佳

猴腿菜 狀似蕨薇色紅有毛

廣東菜 狀如蕨色青綠嗅之味似黃瓜根入藥名貫仲

山胡蘿蔔 莖籐生根似胡蘿蔔而白醃炒食均可

西豐縣志

卷二十三 植物

七

西豐國興印刷局校印

大葉芹 生潮溼地葉團而尖可炒食

小葉芹 狀似大葉芹而葉小食同

老香芹 莖扁圓味傲可和醬生食

山韭菜 葉似韭菜苗單生而不莖叢較韭菜味長

芋 葉大而長根扁而圓周有纖毛科學家稱為地下莖熟食味甜滑種來自山東今園圃

中亦有種之者

根頭菜 園藝也莖高三尺餘葉生莖端寬而長根肥大可熟食

河白菜 園邊水際多生之狀似根頭菜莖可食

車輪菜 葉輪生貼地道旁多有以形圓如車輪故名詩言芣苢即此子入藥名車前子

薺菜 一名甘草師曠云歲欲甘甘草先生即言薺也應冬至而生北地多寒凍甫解即生苗

葉畧似鳳仙草初生貼地如盤三四月開花抽莖作臺一種毛薺白花結莢如小萍而有

三角密綴莖上折其莖作燈杖可避飛虫之投故又名護生草初生時根可茹詩云其甘如薺俗名甘蒂根即此

果類

桃 李時珍云桃性早花易植而子繁故字從木兆言其多也核仁入藥山桃仁不堪用今市賣者果雖大係接他木而成者究不如天生者為佳

杏 蘇頌曰杏處處有之種類亦多黃而圓者曰金杏相傳種出自濟南或謂漢帝杏言漢武帝上苑種也其扁而青黃者名木杏山杏多不勝數寇宗奭曰金杏深赭色核大而扁乃接成者其味最勝又有白杏熟時色青白或微黃味甘淡而不酢王禎書農云北方肉杏甚佳赤大而扁謂之金剛拳

李 時珍曰普通之李綠葉白花樹能耐久產量較桃杏為多果實酸甜適口

榛子 生於遼東山谷樹高數尺子如小栗時珍曰樹低小叢生花成條下垂長二三寸二月

西豐縣志

卷二十三 植物

八 西豐國興印刷局校印

生葉葉多皺紋有細齒及尖其實作苞三五相黏一苞生青熟褐其殼厚而堅其仁白而圓

櫻桃 本草釋名翼桃含桃荆桃皆是也時珍曰樹不甚高春初開白花葉團有尖及細齒結子一枝數十顆三月熟時須守護否則鳥食無遺鹽藏蜜濺均可本境多產之

山裏紅 到處多生之其實圓色紅狀如山楂其味酸頗適口

山定子 樹高二三丈花白色成繖形果圓而味酸

梨 原有祇山梨一種現已有接香水平頂香等但以邊地過寒仍不甚盛也

核桃 一名胡桃殼長而堅厚肉味香惟外苞與葉均含毒汁至山村中每以其汁在溪中毒魚者原係本境出產自斬木墾荒後此樹存者無幾故核桃產量亦無多云

葡萄 李時珍曰漢書作蒲桃可造酒醕飲之別陶然而醉故有是名圓者名草龍珠長者名馬乳葡萄白者名水晶葡萄黑者名紫葡萄張騫西域還得此種山產者曰蓊真苗葉與

園種相似惟實小而極黑其味亦劣遠不如園產者

圓棗 籐生形似棗而微扁秋後始熟味極甜滑

普盤 一名托盤莖紅有刺高二三尺花冠白色細小而叢聚於一托盤上果熟成紅粒形而
酸甜甚為佳美

菱角 一名菱色紫黑形有三角四角者實曰菰米又曰菱角米

芡實 生水中葉圓大於荷葉色嫩翠可愛惟刺利如針芒漏於葉面上子如榛子結聚百十
粒於毛殼內形如鷄頭故俗名鷄頭米入藥曰芡實

燈籠果 多生於園邊壕際外被薄膜如燈籠故名中有果實生青熟味苦甘食之能明目俗呼
紅姑娘

花類

芍藥 多年生草高一二尺葉為複葉小葉往往為極深之三裂初夏開花大而美豔色分紅

西豐縣志

卷二十三 植物

九 西豐國興印刷局校印

白紫數種根亦有赤白二色可供藥品又可作醬七發曰芍藥之醬是也

月季 莖蔓生有刺葉為羽狀複葉小葉之數或三或五平滑有光並有托葉甚狹花重瓣紅
色有壺狀花托按月開放故有此稱一名長春花俗呼月月紅

葵花 俗名向日葵莖高數尺頂作黃花大如盤孟子色黑幼童多摘食之

刺玫 叢生多刺家刺玫為複瓣花朵大色有紅黃紫不等山刺玫僅一紅色而已為單瓣花
朶較家刺玫亦小惟其味清香可作玫瑰頗稱上品

卷丹花 六出四垂大於山丹先結子於葉腋間入秋開花於頂根如蒜頭有瓣可作食品又入
藥名曰百合宏景曰俗人呼為強仇即此有一種卷丹其花莖葉均小惟其形似之生於

山間當五月開花故皆呼為山卷丹又有呼為山東花者

安石榴 張騫使西域得安石國榴種以歸故名五月開花有紅黃白三色單葉者結實千葉者
不結實或結亦無子酸甜苦三種潘岳賦榴者天下之奇樹九州之名果千房同膜千子

如一禦飢療渴解醒止醉本境原無此皆自關內移植之

木 槿 即詩所謂舜華也羣芳譜一名朱槿花木如李高五六尺多歧枝可種可插葉繁密如

桑末尖有極齒花五出自仲夏至仲冬花開不絕又有謂木槿為常有之花大者高丈餘

樹白色葉長微狹有極花大如盞花粉紅者頗似大黍菊花瓣數重花開於五六月朝開

夕落本境無仲冬開花者

鳳 仙 群芳譜莖有紅色白色葉長而尖似柳桃開花時頭翹羽足俱翹然如鳳狀俗呼指甲

草性能透骨子入藥名急性子

海 棠 種類不一有垂絲海棠貼根海棠秋海棠之分近又有洋海棠花鮮豔惟少香故彭淵

材有恨海棠無香之語

高麗菊 花黃赤色似草芙蓉而小

江西臘 花似菊色亦不一頗搖曳有致或云來自江西故名

西豐縣志

卷二十三

植物

十

西豐國興印刷局校印

荷包花 形似扁平荷包鬚亦如穗去其花冠內作剪形

王 簪 色白而香潔二月生苗成叢高尺許柔嫩如白菰葉大如掌葉紋如車前草花開二三

寸長本小末大一名白鶴仙未開時作甬形如白玉搔頭黃紫者差小亦名玉簪宜在背

陰地

雞冠花 李時珍曰以花狀命名處處有之其葉青柔頗似白莧菜六七月開花形如雞冠有紅

白數種子在穗中黑細光滑

石竹花 草本莖有節如竹葉對生夏月開花莖端色有多樣子入藥曰瞿麥

茉莉花 一名苜莉花似牽牛而小味清香乾可入茶名加花茶種子黑圓中含白粉俗名胭粉

豆

牽 牛 花形如喇叭色不一子入藥名黑白丑

馬 櫻 木本其葉晝張夜縮花絲長垂如挖絨又一名曰合歡

蘭 草 多植盆中葉形如韭種類不一

繡 球 色綠形如覆帽多稜有刺俗名和尚頭

繡 球 花 花色鮮美叢聚如球故名

胡 蝶 花 莖葉柔小花形如蝶半黃半紫俗名胡蝶梅

金 絲 荷 生陸地葉似荷而小花色黃亦有深紫者味極香又名金絲荷葉

曼 陀 羅 俗稱爬山虎花似牽牛稍大引蔓甚長多種籬下

西 番 蓮 又名天竺牡丹莖高四五尺花色不一種出自西域故名

馬 蘭 說文莞屬玉篇似莞而細可為席秋刈乾之可飼牛狀似蒲而細小花色藍無香可染

色根可為刷月令荔挺出即此子入藥名蠶實

蓼 花 詩經有游龍毛傳云紅草也陸疏云游龍一名馬蓼高丈餘一名紅蓼園圃種之以供

玩賞又名水葦子節間有毛葉如菸草花為長穗其色深紅總之有紫蓼赤蓼青蓼香蓼

西 豐 縣 志

卷二十三 植物

十一

西豐國興印刷局校印

水蓼木蓼之別禮記鷄豚魚龜皆實蓼於腹中而和羹膾蓋香蓼也今人但取蓼子生芽亦可食

菊 花 禮季秋之月菊有黃華種類過多不可勝數

柳 桃 葉如柳花似桃不結實但供玩賞而已

馬 蛇 菜 花 莖葉似莧菜花有五色生殖力最强搯梗插土中即活頗雅觀

野 菊 生山野中花似菊而小黃白色多間有灰色者

大 芍 藥 草本高四五尺葉大如碗花備各色黑紫者可作染料子成熟似錢形園中多種之

掃 帚 梅 葉細莖分歧似掃帚高三四尺花似梅而色雜

大 碗 花 蔓生荆棘中花粉色似牽牛果作梭形成熟分裂中藏種子極多種毛潔白如絨每隨

風飄舞如絮飛空

貓 眼 花 黃色中黑似貓眼形入藥名狼毒

和尚頭花 紫色狀似僧帽花落種子作絨球形葉粉披似覆網根入藥名桔梗

毛骨突花 形如長鼓內紫外附白毛開最早每在種地以前

印山紅花 春初徧開山頭作淡紅色田家見之即預備農事

木類

松 羣芳譜云松百木之長猶公故從公字種類不一有果松以子可食故名其餘有杉松

油松 手松 刺松 各種

楊 木名柳屬而葉大於柳王氏羣芳譜云楊有二種白楊葉芽時有白毛裹之及盡展似

梨葉而稍厚大淡青色背有白茸毛蒂長兩々相對遇風則蔌々有聲高者十餘丈大者徑三四尺青楊比白楊較小木亦聳直高數丈大者徑二三尺葉似杏而稍大色青綠北方材木全用楊柳榆槐四木故人多種之宜下陘地質不甚堅然能任重三五年便成材是可貴也

西豐縣志

卷二十三 植物

十二

西豐國興印刷局校印

柳 說文小楊也埤雅云柳與楊同類縱橫顛倒植之皆生蓋柳之種類不一鄉村多植杞

柳長條下垂木性極柔用火逼以揉之可為箱篋羅圈告子言杞柳可為栝棬者即此葉似桃而狹長花為小穗春老絮飛似蘆葦花鋪地如棉黃絲嫋々點綴村景亦不可少之木也陸疏云杞柳屬生水旁葉粗而色白木理微赤似以河柳為杞柳也

榆 爾雅釋木云欝莖郭注今之刺榆陸疏云榆有十種葉皆相似皮及木理異惟刺榆白

榆結子亦異白榆結子如錢刺榆結子累累如粟嫩皆可食稽康養生論榆令人瞑博物志啖榆則眠不欲覺此言凡榆皆然詩唐風山樞即刺榆也郭注無姑其實夷即姑榆也生山判葉圓而厚所謂燕夷是也詩陳風東門之枌即白榆是也而刺榆花榆尤佳刺榆可為車軸花榆可為几案凡榆臃腫處花紋尤勝可飾器用人多珍之

椴 葉大皮黑紋細微赤者紫椴山棧多生椴樹之下皮可為繩引火昔時放鳥銃皆用之可為蓑衣

樺 葉橢圓多紋木外有浮皮大者可製船

楸 本有二種結果者曰核桃楸不結果者曰刺楸核桃楸用以造房屋刺楸用以造箱篋
一名橡樹一名波羅樹俗呼為不落棵子葉大而滑可以飼蠶木質堅實可以造車其

不成材者土人每用為燃料

茶 條 木叢生高七八尺採其葉可以染皂

老鸛眼 一名鼠李皮灰白色木質堅緻有花紋皮可染色子赤黑如老鸛眼故名

草類

靛 一名塔頭生於藪澤之地細長二尺餘農人刈取捶之使柔用以絮靛取其暖而不

寒

羊鬍子 形狀類靛草而短生於山中亦祇可為墊靛之用

青根草 生於山中形似馬蘭而細小其用與羊鬍子同

西豐縣志

卷二十三 植物

十三

西豐國興印刷局校印

菸 草 原名淡巴菰葉大如箕晒而吸之有刺激力使人精神又能已寒土人謂之黃菸

靛 草 莖紅葉黑綠高二尺餘性喜平地初秋刈而漚之取其汁投以生石灰即成靛青作染

靛花入藥名青黛

茜 草 蔓生莖方中空葉橢圓夏月開小白花根可染絳詩咏茹蘆即此又可入藥

錯 草 生於藪澤不枝不葉節疎濶中間多稜如蝦鬚密布可用以錯器皿使光潔入藥曰木

賊

羊 草 西北邊謂之羊鬍草長尺許莖末圓勁如松針黝色油潤七八月刈積之經冬不變用

飼牛羊

三稜草 生藪澤中可製蓑衣

章 茅 如竹而細可苫房每節有二穗高四五尺一名礮礮草

蘆 葦 喜生窪下之地一名萑又名葭內地人養之以製席土人用以編房薄

莎 說文一名侯莎爾雅翼莖葉近三稜根周匝多毛詩云南山有臺即此莖宜編蓑衣香

附子雀頭香皆其名也

菘 爾雅謂之蕭陸疏今人謂之菘蒿或曰牛尼蒿白葉粗科生多者數十莖可作燭歧出

葉如藁本而細開繁碎小花纍纍如粟秋老結子細如沙落地自生荒塚廢廟多生之

水 稗 生窪下之地未成時可刈以飼牲畜已成者可挫以和泥

紅根子 草莖柔韌可搓為繩以代麻如築屋之房縷晾菸之長繩皆此草為之也

香 草 說文似苜蓿禮月令注香草也爾雅翼葉似碗豆而細叢生高一二尺乾時益香夏開

黃綠色花葉可避蠹園間隙地人多種之

蒲 草 莠似筍可食名曰蒲笋茸入藥名蒲黃俗呼蒲棒有香蒲臭蒲之分臭蒲又名菖蒲

蒿 有水旱之別水蒿可作燃料旱蒿可絢繩以燃火

艾 似蒿而小可灸病已風惟以陳者為佳若煎服則宜新

西豐縣志

卷二十三 植物

十四

西豐國興印刷局校印

莠 雜生於穀苗中惟其本赤與穀異

猪耳草 出土後不抽莖疊發大葉四布分披有高至二尺餘者土人又呼為老母猪哼々

羊蹄葉 莖獨生不甚分歧葉大如鞋底園邊旁多有之根即土大黃

老來變 一名雁米紅春夏葉青入秋漸黃秋深則紅黃斑駁大有可觀又呼之為老少年

蓬 莖高尺許上則細枝密葉散為圓形入秋莖枯被風吹斷則旋轉於田野中有如車輪

詩人所謂轉蓬者此也

藥類

人 參 係多年生草本初生時獨莖直立名燈臺子二年時葉兩分名二甲子三四年後葉四

分名四披葉秋時花開莖端團集如豆紅潤異常根即人參為著名藥品人盡寶之然獨

特產於關東有老山移山園種之別以老山者為最妙若參鬚參葉參子參膏皆屬可貴

高麗人贊參曰三極五葉背陽向陰所來求我椴樹相尋頗得其形似

五味子 爾雅謂之葢藉能止嗽以遼東產者爲佳

車前子 詩云芡苢多生於道旁

兔絲子 爾雅謂之唐蒙多生豆田中

牛蒡子 又名大力子葉大如芋而長實似葡萄而褐色外殼似栗球而小多刺根有極大者作

菜茹之益人一名惡實葉大亦可爲火絨俗名呼老母猪哼々

蛇牀子 爾雅謂之虺牀淮南子云蛇牀子似蘼蕪而不能芳以揚州產者爲良

地膚子 即掃帚苗子分赤白二種

萊菔子 即蘿蔔菜子

大麻子 一名蔑麻

蒼耳子 一名棠耳即詩之卷耳也

五加皮 五葉交加浸酒最宜即刺拐棒菜皮

西豐縣志

卷二十三 植物

十五

西豐國興印刷局校印

細 辛 一名少辛管子云五沃之土羣藥生少辛是也以遼東產者爲佳

沙 參 即杏葉菜根

苦 參 即野槐根葉互生夏月開黃花成穗結長莢如小豆根入藥

益母草 一名芩蔚子詩謂之葍

郁李仁 即郁李子俗呼歐子

黃 精 即筆管菜根食之能補氣輕身

玉 竹 即小筆管菜

芍 藥 即山芍藥花根有赤白二種

艾 蒿 爾雅謂之冰臺能祛風灸病

百 合 根如蒜有傘丹捲丹二種並入藥

地 丁 一名箭頭草有黃花紫花二種

桔梗 一名薺苳即明葉菜根又名和尚頭菜

茴香 係多年生草莖高五六尺葉細裂如絲夏開小黃花為複繖形花序實大如麥粒殼有細稜俗稱有大茴香小茴香八角茴香等

蕭蓄 即猪茅草

香附 即莎草根

蒼朮 即槍頭菜根形如薑蒼黑色而肉白

遠志 苗名小草即詩之萋也

貫仲 一名鳳尾草根入藥

荆芥 分二種穗圓者為荆芥穗扁者為薄荷

薄荷 形似荆芥而穗異楊雄甘泉賦作芡菹蘇頌曰薄荷處處有之莖葉皆荏而尖長二月宿根生苗清明前後分之方莖赤色其葉對生初蒔形長而頭圓及長則尖境內多有之

西豐縣志

卷二十三 植物

十六

西豐國興印刷局校印

赤電 蔓生結果如小瓜色紅俗呼曰氣包

茵陳 本草綱目曰此雖蒿類經冬不死更因舊苗而生故名因陳時珍曰昔人多蒔為蔬曰家因陳入藥用山因陳今南人二月二日猶採野苗和粉麵作餅食之二月生苗莖如艾九月開黃花細瓣結實大如艾子俗名萬年艾語云二月因陳三月蒿即此

青蒿 即嫩蒿也

蘆根 多年生草生於陂澤莖高丈許根可入藥

牽牛 即黑白二丑俗名喇叭花入藥黑者力速

木賊 即錯草

柴胡 葉狹長互生夏日開小黃花根入藥質硬者竹葉柴胡質柔者蘘菜柴胡

薤白 小根菜根

瞿麥 石竹子花莖

葛 蒲 即香蒲根

蒲 黃 即香蒲之茸

蒲公英 千金方作鳧公英生平澤田原中莖葉似苦苣斷之有白汁可生噉到處有之即地丁也四時常有花花罷飛絮絮中有子落處即生中心抽一莖出一花色黃如金錢又訛為僕公瞿俗名婆婆丁

土大黃 即羊蹄菜根

馬 勃 俗呼馬糞包屬菌類

龍胆草 葉對生有三縱筋夏開白花根味苦俗呼龍墩草

葶 塵 即蘼草禮月令蘼草死即此

黃 柏 即黃波羅樹皮

防 風 葉似青蒿而短小莖四稜高一二尺五月開細白花實似葎葎子而大根土黃色可治

西豐縣志

卷二十三 植物

十七

西豐國興印刷局校印

風故名

升 麻 即苦龍芽菜根

菘 菘 即黏蒼子

蠡 實 即馬蘭花子

杏 仁 即杏子

夜明砂 即蝙蝠糞

大薊小薊 二者葉刺相似田野甚多二月生苗二三寸時併根作菜茹食甚美四月高尺餘心中出花頭如紅藍花花青紫葉多刺俗呼千針草又曰牛戳口有大小二種四月采苗九月采根并陰乾用大薊苗根但肥大耳

青 黛 即靛花

苦丁香 即甜瓜蒂

狼 苦 即貓眼花根

青箱子 即雞冠子花

旋覆花 草質葉長花冠團集而多刺

透骨草 短莖細葉多生於墻頭

山豆根 籐生葉圓山邊多有之

百部草 長莖細葉白花似靛榔

動物

獸類

馬 六畜之一後漢書扶餘產名馬新唐書渤海傳云俗所貴者率賓之馬今按扶餘率賓皆

遼東地故縣境農家多養馬

牛 反芻類亦六畜之一力大善負載五代史女真地多牛今土人之畜牛者尚不減於馬

西豐縣志

卷二十三 動物

十八

西豐國典印刷局校印

驢 似馬而耳長長頰廣額修尾正字通云午與五更初驢鳴則協漏刻又云女真遼東出野

驢

羸 即俗名騾字說文驢父馬母正字通羸似驢而健驢力在髀騾力在腰乘者隨其力進退

之史記單于乘六騾本境農家多畜之

犬 爾雅釋文引字林云狗家獸也周禮疏犬有三種一田犬二吠犬三食犬通考女真地多

良犬按今犬多黃黑二純色或駁雜色通常共有三種一身長足高狀黑而性馴一身偉足

短俗名板橙腿喜狂吠一身小頭圓面凹視聽尤靈曰巴狗毛有類獅者

羊 古禮用羊詩傳曰小曰羔大曰羊北盟錄女真多牛羊山羊色黑較多白者曰綿羊取羴

可爲氈皮可爲裘禮記羊曰柔毛以其柔軟生暖也

豕 爾雅豕子豬揚子方言關東西或謂之彘或謂之豕北燕朝鮮之間謂之豨通考女真獸

多野豬大金國志女真有白彘按今豬色多黑頭與腰或雜有白毛亦有類獾子者爲人民

肉食一大宗幾無家不豢養之俗呼爲猪禮記曰剛鬣

貓 捕鼠獸禮記大蜡迎貓爲其能捕鼠也俗謂牡者爲狼貓多黑黃色亦間有狸花者但滋育不繁故人多珍視之

狸 毛詩取彼狐狸之形似貓毛多斑文禮檀弓狸首之斑然宋史有野狸之名與家貓畧同或黑色或犂文比貓身軀較大面腰俱長大者長二尺餘毛厚而細圓目炯々足最捷恆入人家偷雞食之正字通云野貓有多種大小似狐圓頭大尾者爲貓狸

狐 說文云狐爲山獸又狐禡獸也淫媚惑人埤雅云狐孤也性疑則不可以合類故其字從孤形似狗大亦如之鼻尖尾大日伏夜出聲如犬而細毛如貉而溫其毛色青黃者俗名豆青狐淡黃者曰沙狐毛色赤者曰火狐又有白狐黑狐但不恆見集之爲裘猶貴重

狼 埤雅云狼大如狗青色作聲諸竅皆沸善逐獸俚語云狼卜食狼將遠逐食必先倒立以卜所向故獵師遇狼輒喜狼之所向獸之所在也其靈智如此說文云狼似犬銳頭白頰高

西豐縣志

卷二十三 動物

十九

西豐國興印刷局校印

前廣後陸疏云狼鳴能小能大善爲小兒啼聲以誘人其敏捷者人不能制

貉 似狸銳頭尖鼻性好睡日伏夜出捕食虫類毛色斑駁其文上圓下方質深厚溫滑可爲裘論語云狐貉之厚以居即此

獾 形似豕體小而肥毛斑駁深褐色在山食柞蠶入田食玉蜀黍秋殘薰其穴取之皮可爲褥油可爲療火傷

兔 有在家在野二種家畜者毛色純白或純黑長耳缺唇足前短後長躍而不走性最易馴在野者與家畜畧同毛色雜似獾貉或有白者則不習見本草兔尻有九孔或云兔無雄中秋望月顧兔而孕曲禮兕曰明視陸佃曰兔吐也明月之精視月而生故曰明視王允論衡言兔舐雄毫而孕生子從口中出乃蒲城原子云兔之雌雄其孳尾無異他獸每月一孕生子則以土培之而壅其穴或竊啓其戶子則不成蓋古所謂視月之候而孕又謂吐生者得土而生土訛以爲吐也

獾

與鼠同類異種長尺許喙尖尾禿多刺毛俗名刺獾能竊食瓜類捕得以筐覆之經宿則無咸謂其能土遁云皮可入藥

鼠

有家鼠山鼠黃鼠之別爾雅所載凡十餘種俱未詳今之所習見者為田鼠鼯鼠黃鼠之類而已若家鼠花鼠止供玩戲老鼠俗名耗子乃人所共惡者也

禽類

雞

易禮俱稱翰音說文雞知時畜也玉篇雞司晨鳥也本草云雞類多五方所產大小形色亦異無外腎而虧小腸凡人村無故羣雞夜鳴者謂之荒雞主不祥若黃昏獨啼者主有天恩則雞雖常畜而亦靈禽也又云遼有食雞角雞種卵大而殼多紅者為本產足短身小卵白者為高麗產種小毛厚喜孵卵善飛者為廣東產毛與骨俱黑者為烏雞餘有雙冠者反毛者孤凸頭者毛護兩腿其形色各異

鴨

爾雅舒鳧鶩禽經鴨呶々其鳴自呼鳧能高飛而鴨舒緩不能飛故曰舒鳧尸子野鴨為

西豐縣志

卷二十三 動物

二十

西豐國興印刷局校印

鵝

鳧家鴨為鶩今按雄者鳴聲啞尾有捲毛白黑褐三色褐與黑頭綠其雌白黑麻聲甚大行時雄前雌後必成行列喜近水夏月多露宿不善孵卵每以鷄代之

埠雅鵝頸如瘤江東呼鴈李時珍曰鵝綠眼黃喙紅掌夜鳴應更野曰雁家曰鵝性機警晝夜有所見則鳴畜必雙高飛為異主人忌之

鵠

陸佃云鵠性喜合凡鳥雄乘雌性鵠雌乘雄逐月有子唐明皇呼為飛奴蓋能飛數千里故近年東西洋人或遠行或行軍多用以寄書俗分野鵠家鵠二種

小雀

一名瓦雀一名麻雀俗呼為家雀多棲於簷瓦間

燕

說文燕玄鳥也有胡燕越燕二種春來秋去恆以社日故又稱社燕

烏鴉

俗名老鴰身同黑難辨雌雄說文烏孝鳥也廣雅純黑反哺者謂之烏小而腹下白不反哺者謂之鴉俗名山老鴰

鵲

本草鵲大於鴉而長尾尖喙黑爪綠背白腹上下飛鳴以音感而孕以視而抱冬季始巢

開戶背太歲向太乙知來歲多風巢必卑下故又稱靈鵲

雁 詩毛傳大曰鴻小曰雁禮月令所言鴻雁則鴻皆雁也飛有定序生有定偶春北秋南不失其時故稱之為候鳥

雉 尚書謂之華虫禮經謂之疏趾今呼野雞孟冬雉入大水為蜃遼地雉雞冬月群飛入海潮上擁入沙中久之變蜃殼宜軍中號器其未成者海邊人得之猶雉形也本草云雉飛若矢一往而墜

鳩 禽經拙者莫如鳩不能作巢多在屋瓦間或於木上架結木枝初不成巢僅以生子往往墜雛鵲巢最堅雛成飛去鳩來居之詩曰維鵲有巢維鳩居之毛色大小不一通曰斑鳩一種鳴鳩禮記仲春鷹化為鳩仲秋鳩化為鷹指此形大於斑鳩長尾一名布穀

棒椎雀 人參俗呼為棒椎亦多年生結之草也棒椎雀則食其子惟此鳥鳴輒以夜故人皆罕見其形度其聲大不過鸛鶉鳴則必曰王千哥聲極清越可達數里聞挖參人云鳥鳴此山則

西豐縣志

卷二十三 動物

二十一

西豐國興印刷局校印

參必生對山若一食參子則聲反啞矣顧亦不知平日所食為何物也

百靈 善鳴能效百鳥之聲故名以仲夏無聲又名反舌

鶯 善鳴頭有毛冠身有淺黑斑點一名鳳頭鳥

鶯 即詩之黃鳥一名倉庚風土記六月東南風海魚化為黃雀禮季秋雀入大水為蛤指此

俗呼黃鳥

紅料 色紅善鳴花者又名花料

紅靛頰 腿高嘴細眉有白紋頰下有三角形硃紅色一又名拙老婆

藍靛頰 形大如麻雀頰下藍如靛染故名

蘇雀 喜食蘇子頰下及腹有紅毛又名千里紅

鐵雀 大如家雀爪堅似鐵故名可供食品

柳葉 淡綠色大如指頭俗呼儂柳葉

鵪鶉 身圓尾短形類鷄雞雖雄者足高雌者足卑性喜鬥故人多養之以賭錢如鬥蟋蟀者然此風息滅已久

啄木 爾雅曰鴛啄木嘴如錐長數寸凡鳥舌皆根於喉而藏於喙惟啄木舌根通腦後引之愈長樹中蠹虫雖潛匿穴隙皆鉤取食之

靛雀 全體如靛無雜色故名

蠟嘴 有二種嘴色黃如蠟者名蠟嘴又名銅嘴嘴色黑者名鐵嘴均性靈能聽人指使布穀 詩謂之鴉鳩每至穀雨節前後則必鳴農人即以之播穀有似爲人催耕者

水札子 嘴細長尾根有白毛常飛翔於水田中鳴則必雨即鷓鴣鳥也

鳧 爾雅舒鶩疏野曰鳧家曰鴨俗名野鴨有大小二種小者嘴稍圓結隊高翔曰風鴨大者嘴扁同家畜聲亦相同低飛曰撲鴨春初冰解秋末水寒時咸臨河捕魚平時罕見

沙雞子 一名串鷄爾雅注云鷓鴣大於鷓似雌雉鼠脚無後趾出北方沙漠

西豐縣志

卷二十三 動物

二十二

西豐國興印刷局校印

鷹 禮記季夏鷹乃學習孟秋鷹乃祭鳥一名鷂鳩種類不一古以出遼海者爲上白鷹猶爲

鷲猛展兩翼寬二尺許嘴長內曲如鉤爪亦最利分黑黃二色翎毛各有橫紋捕食兔雉養其雛性易馴可使逐禽獸一種形似鷹而小捕小鳥爲食名雀鷹即鷓也

鷓 一名隼一名晨風似鷹而大亦鷲鳥也能搏鷄俗呼鷓鷹即此

縮頸子 灰色形如鷓翅大脚高集則縮頸俗呼縮脖子

蝙蝠 爾雅謂之服翼四足兩翅屬翼手類糞入藥名夜明砂

鷓鴣 爾雅釋鳥鷓鴣鷓鴣也郭注云言鷓類者以鷓鴣與怪鷓臬鷓皆帶鷓字鷓鴣又名茅鷓爾雅郭注今鷓鴣也又雀老鷓郭注本兔也似鷓鴣而小兔頭有毛角夜飛好食鷄說文云

雀鷓屬有毛角所鳴之處其民有禍總之非一物也鷓鴣似鷓鴣立高二尺餘羽黃蒼斑文頭如兔毛角雙峙圓目利爪晝伏夜出破他鳥巢食其子及卵入村鄉攫鷄貓食之其鳴如撮口相呼鳴々不歇又如人鼾睡聲俗呼啼虎曰狼扈常見者毛角如兩耳酷似貓首俗呼

貓頭鳥眼黃而圓大莊子謂夜撮蚤察秋毫晝出瞑目而不見邱山是也俗呼夜貓子

鱗介類

重唇 即詩之鯊鳥如鰓而狹色淡黃圓身大鱗而多肉々美在唇々且重故名大者重十餘斤
春初冰解可網可釣鮮美之極

鯉 說文謂之鱣正字通神農書曰鯉為魚王有赤白黃三種蘇氏本草云鯉脇鱗從頭至尾
無大小皆三十六各開小孔相連而成一線謂之側線即魚之感覺器也肉味最美縣境惟
澠河下流間有之然亦不甚大

鯽 一名鮒本草形似鯉色黑體促腹大脊隆起而狹頭與口亦小河及深水水泡皆有之長者
有尺許性緩能補脾惟多骨蘇長公恨鮒魚多骨者即此杜少陵詩鮮鯽銀絲膾蓋咏其味
美也

鮎 詩謂之鰻魚盛京通志鮎魚身圓無鱗有黏液生流水者色青白生水者色青黃

西豐縣志

卷二十三 動物

二十三

西豐國興印刷局校印

鱖 爾雅謂之鱖似蛇而短鱗有硬刺尾亦雙歧冬水結冰匿泥中於俗呼泥鱖

鱖 似蛇魚鱗亦作鱗作鱗惟尾扁有青黃二色大重斤餘身多液而滑不易捕水濁可釣冬
季結冰羣入泥中以有刃鐵鉤搭之

柳根 形似銀魚而身輭長三四寸喜游泳於傍岸柳根之下故名

沙咕嚕 身圓口小有鱗分黃黑二色一名沙鮓

白漂子 長二三寸善跳躍出水即死味苦不中食

蛙 兩棲類亦名田雞能除田間害虫有益於農業體軀肥滿行動舒遲背褐色有痱磊夏令
各處皆有吸食蠅蠅之屬其眉間白汁入藥曰蟾酥又一種癩蝦蟆而小兩頰有氣胞漲縮
成聲物小而聲宏水泡多有之

蛤什蟆 亦蛙類也前足短後足長狀似人股背黑腹紅白不一白為雄紅為雌秋末入河聚居於
草墩樹根之暖處捕食之甚鮮美

螭 形似蝦而體殼堅厚身短尾濶洞居於泥沙間兒童往々捕食之

鼈 李時珍曰鼈甲虫也水居陸生穹脊連脇與龜同類四緣有肉裙故曰龜甲裹肉鼈肉裹甲無耳以目爲聽純雌無雄以蛇及龜爲匹萬墨術云燒鼈脂可以致鼈也夏日孕乳其抱以影埤雅云鼈卵生隨日影而轉在水中上必有浮沫人以此取之俗呼爲團魚脚魚溪澤中多有肉可食甲可入藥

昆蟲類

蠶 有家蠶山蠶二種家蠶飼桑葉長寸許環節蠕動胸腹及尾有足六對或純白或兼黑紋不等四眠作繭山蠶飼柞及櫟葉長一寸五六分身肥色綠有金點而多瘤々各一毫極壯者喙錯折有聲有物觸之輒以頭還擊亦四眠作繭按春秋兩季養之爲實業之一宗餘如榆蠶榛蠶黃柏蠶可作曲絲綢皆自生樹間作繭近亦漸有飼養者但縣境內因柞林茂盛故養山蠶者最多家蠶則罕見也

西豐縣志

卷二十三 動物

二十四

西豐國興印刷局校印

蜂 爾雅翼云蜂類最多其黃色細腰者謂之穉蜂其色黃而黑大如螻蛄嚙木屑作窩居木

窠中曰木蜂俗名大麻蜂其色黑微黃穴牆土作窩毒螫牛馬曰土蜂俗名地雷蜂其居草中比他蜂差小名草 慣螫牛馬皮內即生蟪明春由蟪仍出此蜂蓋借牲血肉生子在房簷下嚙紙作窩似葦蓬倒垂數十爲羣者名黃蜂其負蜘蛛處竹管及銜土作房者名細腰蜂翼端皆有刺螫人皆害虫也惟釀蜜之蜂比青蠅微大取而養之蜂有王爲衆蜂之長一日兩出而聚鳴號爲兩衙有采花者有取水者歸則少歇如采無所得則經宿不敢歸房皆秩然有序是爲有益之物其蜜與蠟均入藥品爲本縣境之特產

蟋 蟀 毛傳云蟋蟀螿也郭注促織也亦名蜻蛚楚人謂之王孫在家在野之異在野者圓頭修股形似阜螽而小色黑有光澤翼短不飛而善躍多居黍禾田中在家者形與在野者畧同色微蒼而有白花文應秋而鳴暑居庭外石砌敗垣中或居古廟頽壁下天漸寒則移進堂屋居竈畔故又名竈馬俗呼曰趨々即促織二字之轉首也賈似道半閒堂門蟋蟀明宣德

宮中鬪促織皆此物也蠹海集云陰養性妒相遇必相爭本草蟋蟀促織阜螽斯負蒼莎鷄皆一類不過因時變化而易其名耳

蝶 形色不一皆虫所化爾雅翼謂爲青虫所化信然生山中者其大如掌采色斑爛子即山蠶也其餘小蝶五色俱備值苦參苗蒞花時羣集其上燦若雲錦而粉白者尤多春初亦先見園林日暖三五團飛遺卵菜葉間即生綠虫食菜葉殆亦園圃中之一害虫也

螢 禮月令腐草爲螢今博物家言螢虫產卵於草上借腐草之熱卵孵化爲螢之幼蟲非腐草變爲螢也其尾端有發光器因呼吸時空氣傳入生養化作用故能放光

螻 俗名蠲々徧身綠毛頭有觸角二生於目下背有短翅一對翅之中央薄而透光如小圓鏡形鳴則鼓翅由鏡發聲後二股長善跳躍

蝮 揚子方言蝮螻謂之蝮蝮本草一名天蝮一名仙蝮穴土而居短翅四足腹大腰細如蜂長寸餘雄者善鳴而飛雌者羽小不善飛吸風食土喜就燈光以前二足掘地俗名地拉蝮

西豐縣志

卷二十三 動物

二十五

西豐國興印刷局校印

往往傷禾苗

蜻 蜓 名類甚多本草之蜻虻蜻虻赤卒爾雅之負勞及螻與諸乘紗羊等類皆大頭露目短頸長腰躡尾翼薄如紗食蚊蠅飲露水六足四翼好飛水際交於水上附物散卵生爲水蠶化蜻蜒產卵復爲水蠶循環不已次者曰蜻蛉小者曰螞蛉俗名尤不一也

螞 蚱 詩謂之螽斯亦謂之阜螽有青黃黑三種大者謂之蝗能害禾稼小者多跳躍於青草平原

蛾 蠶蛾大寸餘翅有金斑若鏡其他諸蛾皆小均係草木間之蟲蛹所化

蝸 牛 軀體動物生於陰溼之地頭有觸角身負堅殼作旋文形犯之則身藏殼內

蜘蛛 本草集解蜘蛛數十種有入藥不入藥之分所習見者一曰癩蛛一曰螞蛛詩螞蟻在戶即此也一曰壁錢結白網於壁間形圓如錢故名其他尙有多種或結網於簷端或結網於牆角大抵皆爲求食計無害於人也

斑蝥 頭紅身黑足最毒按山堂肆考陶氏曰斑蝥一身五變二三月在芫花名芫青四五月在王不留行上名王不留行六七月在葛花上名葛上亭長八月在豆花上名斑蝥九月十月欲還地蟄居即名地胆本草注地胆出幽州

蚰蜒 節足動物似蜈蚣而細小磚石之下多見之

蚱蟻 本草一名蠹蟲似蝗而細長俗謂之扁担勾

蚯蚓 禮記孟夏蚯蚓出冬至之日蚯蚓結俗呼曲蟮白頭者可入藥

蠼 體長八九分暗黃色兼黑斑點頭有雙鬚尾歧又脚細長共十五對行至疾多在陰溼之地一名百足蟲又名馬陸俗名草鞋底亦名錢串子

蟻 種類不一大者曰蚍蜉色分黃黑各有大小兩種小者又曰螳俗統呼曰螞蟻鬥時各有行列謂之蟻陣

瓢蟲 黃赤色形似半豆背有黑白點翅藏殼內俗呼放牛小

西豐縣志

卷二十三 動物

二十六

西豐國興印刷局校印

螳螂 月令仲夏螳螂生色灰或綠不等頭三角形複眼高突後腹大前胸延長如頸其前肢形若鐮刀故俗名刀螂及秋卵附木枝作房如指頭大名螳螂產於桑可入藥

蜚螂 黑甲翅在甲下一名蜻蜚一名弄丸莊子蜻蜚之智在於轉丸言其以土苞糞推轉成丸藏之穴中備食又一種大於蜚螂三倍穿穴獨居原野間偶有之頭有一角名鐵甲將軍合竹葉煎水飲之能利小便

蟛蜞 有大小二種大者長寸餘頸有白紋小者長二三分嚙人輒令皮破

臭蟲 爾雅謂之蠹螂

蟬 夏秋之際鳴於樹間音韻清朗殼人藥名蟬蛻

蠅 分青黑數種有黑蠅綠豆蠅大麻蠅狗蠅等俗名能傳染毒善亂色故詩以刺讒其聲在翼牝者腹大生蛆々化爲蠅每集污穢處清潔衛生者必設法驅逐之

水蛭 水中紅蟲長細如線慣附人畜肌膚吮飲血液昔楚王吞蛭愈血疾或即此物

水 黽 黑褐色狹細前翅爲革質六足浮行水面而體不濡俗名螳螂子又名水螞蟥又呼爲擺船小

蚊 種類亦多一種長二分許形類蠅而背黑夜飛喜赴燈光天陰時較多一種色褐日多結團旋轉薨々有聲一種兩翼稍長棲時雙疊如一生榆榛葉間一種身細色黃喜吸人血其幼蟲即污水中孑孓也一種小於常蚊腹與足皆有白輪文喙毒銳刺人墳起如卵即豹脚蚊也

虻 大於蠅色黑黃不等喙利能刺人皮膚及牛馬頗苦之俗呼曰瞎虻又一種長寸許色黑以產卵器刺牛膚生蠟々種螻春初生翼飛出則爲虻今牛馬身上夏日每有出紫黑色血處曰蠟眼即此也

蟪 嚼書蟲其尾似魚故爾雅釋蟲謂爲蟪蠹魚

蛇 酉陽雜俎有草木水土四種蛇埤雅云牛以鼻聽蛇以眼聽爾雅翼云蛇常飢每得食稍

西豐縣志

卷二十三 動物

二十七

西豐國興印刷局校印

飽輒復蛻殼冬含土入蟄及出蟄則吐之係爬蟲類一名烏稍蛇雌黃雄黑長七八尺性柔善不輕傷人故蛇人常弄以爲戲一名貼樹皮淺黑色長二三尺性最毒一名野鷄脖子身有雉文灼爛射目每見人必昂頭逐之一名黃花松身有紅黃斑點長二尺許粗如鷄卵如被人捉住則鳴聲孜孜其悍毒可知

蛇舅母 俗呼馬蛇子形類蜥蜴惟背部灰色舌端分裂如叉尾長於體之二倍

礦類

煙 煤 六區太平村有煙煤礦一處民國元年開採數年來不甚暢達因以人工採取未備機械故接年產量無多出貨僅七八十萬觔而需人工則在七八十人與百餘人不等又兼煤質平平鎖售不廣現已停辦

香 煤 六區繭廠村民國八年開採香煤礦一處按年出貨祇四五十萬觔需人工約五六十名惟煤苗不旺煤質不佳現已停辦

煙 煤 二區更刻村有煙煤礦一處民國八年開採煤質尚可惟因礦牀變爲水洞無力辟汲
即行停辦

煙 煤 二區平嶺村有煙煤礦一處民國十年報領正當開採之際以股東爭權因而停辦延
至民國十六年安排就序續行開採然徒恃人工產量究屬無多

香 煤 五區新開村有香煤礦一處民國六年開採因煤質不佳未敢興工大作背煤汲水僅
以人力故產量無幾

香 煤 二區林城村有香煤礦一處民國三年開採煤苗僅高二三尺以產量不富因即停止
灰石礦 二區大營村有灰石礦一處前清宣統元年開採鑿石入窰燒之成灰爲建築必需之
品惜此窰石之產量雖多而灰之製造無幾以不善應酬銷路不廣故也

灰石礦 二區更刻村有灰石礦一處民國元年開辦每年產額約在三四十萬觔左右足敷地
方之用

西豐縣志

卷二十三 礦物

二十八

西豐國興印刷局校印

碾磨石礦 二區烏魯村有石礦一處前清光緒二十六年開山用機運石每年約出石碾二百餘
盤磨及碾子各二三百數迄於今日猶甚暢旺

磨石礦 五區長柳村磨盤山有磨石礦一處民國五年開辦全恃人工劈鑿器物類皆苦窳以
故銷路不廣

青石礦 五區公合村東北部有青石礦一處民國六年開山或以人力鑿取或以炸藥轟下所
製之物有石碑碾磨及石槽等器產量宏富銷售亦廣大有供不給求之勢

小豆石礦 五區小河村北部邊壕屯有小豆石礦一處前清宣統元年開山用以製碾磨等項產
量宏富銷售亦頗不滯

青小豆石礦 六區天來村西北部大碾子溝有青小豆石礦一處前清光緒二十三年開山用製
碾磨產量尚可惜交通不便銷售較難而營業受其影響

青小豆石礦 六區吉祥村北部山音哈達山中有青小豆石礦一處前清光緒三十二年開山產

碾磨槽礮等物銷售平常

青石礦 五區福和村關門嘴子處有青石礦一處前清宣統年元開山製碾磨槽子礮子等物
銷路亦廣

紫土礦 六區吉祥村東南部珠々河北沿有紫土礦一處土可製造缸盆其開採方法與挖煤
同製出器物各鄉鎮皆購用之

白石礦 二區古龍村有白石礦一處其石可製石條爲建築房基台階之用凡城內修建機關
廟宇皆於是處運取

水成岩礦 縣城西北門外有石場五六處其石質爲純粹水成岩石內且有竹竿竹葉竹實等尙
未變盡之遺骸以此證明縣境於上古必爲海岸

黏土礦 縣城東北門外有黏土礦一處土人取之燒瓦盆油盆

銀 礦 邑東白石村於民國初年曾發現銀礦苗以無資本未經開採

西豐縣志

卷二十三

礦物

二十九

西豐國興印刷局校印